



SLUŽBENE NOVINE

KANTONA SARAJEVO

Godina XVII – Broj 11

Četvrtak, 22. marta 2012. godine
SARAJEVO

ISSN 1512-7052

KANTON SARAJEVO

Skupština Kantona Zakonodavno-pravna komisija

Na osnovu člana 4. Odluke o izmjenama i dopunama Odluke o osnivanju javne ustanove "Služba za zapošljavanje Kantona Sarajevo" Sarajevo ("Službene novine Kantona Sarajevo", broj 31/07) i člana 172. i 175. Poslovnika Skupštine Kantona Sarajevo ("Službene novine Kantona Sarajevo", broj 25/10 - Novi prečišćeni tekst i broj 14/11, 19/11, 7/12), Zakonodavno-pravna komisija Skupštine Kantona Sarajevo, na sjednici održanoj dana 22.03.2012. godine, utvrdila je Prečišćeni tekst Odluke o osnivanju javne ustanove "Služba za zapošljavanje Kantona Sarajevo" Sarajevo.

Prečišćeni tekst Odluke o osnivanju javne ustanove "Služba za zapošljavanje Kantona Sarajevo" Sarajevo obuhvata: Odluku o osnivanju javne ustanove "Služba za zapošljavanje Kantona Sarajevo" Sarajevo ("Službene novine Kantona Sarajevo", broj 11/01), Odluku o izmjenama i dopunama Odluke o osnivanju javne ustanove "Služba za zapošljavanje Kantona Sarajevo" Sarajevo ("Službene novine Kantona Sarajevo", broj 27/06) i Odluku o izmjenama i dopunama Odluke o osnivanju javne ustanove "Služba za zapošljavanje Kantona Sarajevo" Sarajevo ("Službene novine Kantona Sarajevo", broj 31/07), u kojim je naznačen dan stupanja na snagu tih odluka.

Broj 01-05-6690/12 Komisija Predsjedavajući
22. marta 2012. godine Zakonodavno-pravne komisije
Sarajevo Esad Hrvaičić, s. r.

ODLUKA

O OSNIVANJU JAVNE USTANOVE "SLUŽBA ZA ZAPOŠLJAVANJE KANTONA SARAJEVO" SARAJEVO

(Prečišćeni tekst)

Član 1.

Kanton Sarajevo osniva javnu ustanovu "Služba za zapošljavanje Kantona Sarajevo" Sarajevo, a u cilju obavljanja poslova posredovanja u zapošljavanju i obavljanja drugih poslova iz oblasti socijalne sigurnosti nezaposlenih osoba.

Član 2.

Naziv ustanove je "Služba za zapošljavanje Kantona Sarajevo" Sarajevo (u daljem tekstu: Služba za zapošljavanje).

Sjedište Službe za zapošljavanje je u Sarajevu, ulica Doka Mazalića broj 3.

Član 3.

Služba za zapošljavanje ima svojstvo pravnog lica.

Član 4.

Služba za zapošljavanje nadležna je za:

- posredovanje u zapošljavanju;
- prikupljanje i dostavljanje podataka o nezaposlenim osobama Federalnom zavodu za zapošljavanje;
- informiranje o mogućnosti zapošljavanja;
- saradnju sa obrazovnim ustanovama radi usklađivanja obrazovnih programa sa kadrovskim potrebama poslodavaca;
- provođenje programa profesionalne orijentacije, obuke i prekvalifikacije nezaposlenih osoba i njihovo ponovno zapošljavanje na odgovarajućim poslovima;
- utvrđivanje prava osobama za slučaj nezaposlenosti;
- izdavanje radnih dozvola stranim državljanima i osobama bez državljanstva;
- donošenje i provođenje programa mjera za brže zapošljavanje određenih kategorija nezaposlenih osoba čije je zapošljavanje otežano;
- i druge poslove utvrđene ovim i drugim zakonima.

Služba za zapošljavanje organizira prikupljanje, razmjenu i objavljivanje podataka o zaposlenim osobama koje traže promjenu zaposlenja, kao i druge podatke koji mogu biti od značaja za obavljanje osnovne djelatnosti službe za zapošljavanje.

Služba za zapošljavanje periodično obavlja ocjenjivanje tržišta rada prema instrukcijama Federalnog zavoda za zapošljavanje u cilju dobijanja podataka i pružanja informacija o kretanjima na tržištu rada.

Član 5.

Unutrašnja organizacija Službe za zapošljavanje uređuje se Statutom i drugim aktima Službe za zapošljavanje.

Član 6.

Služba za zapošljavanje nakon stupanja na snagu ove odluke preuzima zaposlenike, opremu, inventar i druge stvari, arhivu, akte, predmete, drugu dokumentaciju i sredstva za rad, poslovni prostor i drugu imovinu potrebnu za ostvarivanje djelatnosti, a u skladu sa Zakonom o imovini Zavoda za zapošljavanje Bosne i Hercegovine ("Službene novine Federacije BiH", broj 56/00).

Objekti i oprema iz stava 1. ove odluke su svojina Osnivača.

Član 7.

Osnivački ulog obezbijedit će se iz Budžeta Kantona Sarajevo u iznosu od 300.000,00 KM.

11/12
5/13

Sredstva za zadovoljavanje potreba iz domena zapošljavanja, te za rad Službe za zapošljavanje osiguravaju se iz slijedećih izvora:

- doprinosa koje uplaćuje poslodavac i zaposlenik u skladu sa zakonom,
- kamata ili prihoda od uloga Službe za zapošljavanje,
- prihoda od pokretne ili nepokretne imovine koju Služba za zapošljavanje kupi ili stekne u skladu sa zakonom,
- i drugih izvora.

Član 8.

Višak prihoda nad rashodima Službe za zapošljavanje koristi se za finansiranje programa za tržište rada u skladu sa Federalnim zakonom o posredovanju u zapošljavanju i socijalnoj sigurnosti nezaposlenih osoba.

Član 9.

Služba za zapošljavanje je odgovorna za rezultate svog rada i djelovanja u svim oblastima za koje je nadležna.

Obaveze Službe za zapošljavanje prema Osnivaču su da:

- a) pribavi saglasnost Osnivača kod svih statusnih promjena (promjena naziva, sjedišta, djelatnosti i drugih promjena utvrđenih zakonom),
- b) da jedanput godišnje Osnivaču podnosi izvještaj o poslovanju,
- c) druge obaveze predviđene zakonom.

Član 10.

Izradu i provedbu Programa profesionalne orijentacije nezaposlenih i drugih osoba pri izboru zanimanja, stručne obuke i prekvalifikacije nezaposlenih za čijim radom je prestala potreba, podsticanja otvaranja novih radnih mjesta i poduzimanja drugih podsticajnih mjera obavlja Služba za zapošljavanje.

Na prijedloge programa iz prethodnog stava saglasnost daje Vlada Kantona Sarajevo.

Član 11.

Organ upravljanja u Službi za zapošljavanje je Upravni odbor.

Predsjednika i članove Upravnog odbora imenuje i razrješava Vlada Kantona Sarajevo u skladu sa zakonom i podzakonskim aktima.

Upravni odbor se sastoji od pet članova od kojih su predstavnici Osnivača četiri člana.

Jedan član Upravnog odbora, u pravilu, se imenuje iz reda stručnih zaposlenika Službe za zapošljavanje.

Predsjednik i članovi Upravnog odbora imenuju se na period od četiri godine i mogu biti ponovo imenovani.

Direktor Službe za zapošljavanje ne može biti član Upravnog odbora.

Član 12.

Vlada Kantona Sarajevo imenuje Upravni odbor Službe za zapošljavanje u roku od 30 dana od dana stupanja na snagu ove odluke.

Član 13.

Vlada Kantona Sarajevo će razriješiti predsjednika i članove Upravnog odbora, direktora i predsjednika i članove Nadzornog odbora Službe za zapošljavanje i prije vremena na koje je imenovan, ako utvrdi da je odgovoran za neuspješan ili nezakonit rad Službe za zapošljavanje, na njegov lični zahtjev, u slučaju da Skupština Kantona Sarajevo ne usvoji Izvještaj o poslovanju Službe za zapošljavanje, odnosno Izvještaj o radu sa Izvještajem o finansijskom poslovanju Službe za zapošljavanje i u drugim slučajevima utvrđenim zakonom i statutom Službe za zapošljavanje.

Statutom Službe za zapošljavanje će se precizirati posljedice mogućeg neusvajanja Izvještaja o poslovanju, odnosno Izvještaja o radu sa Izvještajem o finansijskom poslovanju Službe za zapošljavanje, kao i postupak i način razrješavanja predsjednika i

članova Upravnog odbora i direktora Službe za zapošljavanje prije isteka vremena za koje su imenovani.

Član 14.

Organ rukovođenja u Službi za zapošljavanje je direktor.

Direktora Službe za zapošljavanje imenuje Upravni odbor na osnovu konkursa koji se objavljuje u javnim glasilima, a uz saglasnost Vlade Kantona Sarajevo.

Član 15.

Vršilac dužnosti direktora ima sva prava i dužnosti direktora.

Vršilac dužnosti direktora može rukovoditi Službom za zapošljavanje do imenovanja direktora, a najduže šest mjeseci od dana njegovog imenovanja.

Član 16.

Organ kontrole poslovanja u Službi za zapošljavanje je Nadzorni odbor koji čine tri člana, od kojih se najmanje jedan član imenuje iz reda stručnih radnika zaposlenih u Službi za zapošljavanje.

Predsjednika i članove Nadzornog odbora imenuje i razrješava Vlada Kantona Sarajevo.

Član 17.

Zaposlenici Službe za zapošljavanje ostvaruju svoja prava i obaveze u skladu sa zakonom, Statutom Službe za zapošljavanje i kolektivnim ugovorom.

Član 18.

Služba za zapošljavanje je obavezna da u roku od 60 dana od dana stupanja na snagu ove odluke donese opće akte ustanove, a to su: Statut Službe za zapošljavanje, akt o unutrašnjoj organizaciji i sistematizaciji poslova Službe za zapošljavanje i druge akte, te da preuzme druge radnje neophodne za početak rada Službe za zapošljavanje.

Član 19.

Saglasnost na Statut Službe za zapošljavanje i Pravilnik o radu, kojim se uređuju plaće, organizacija i sistematizacija poslova i druga pitanja značajna za poslodavca i zaposlenika daje Vlada Kantona Sarajevo.

Član 20.

Služba za zapošljavanje je obavezna da na osnovu ove odluke podnese prijavu radi upisa u registar.

Član 21.

Za svoje obaveze Služba za zapošljavanje odgovara svom svojom imovinom - potpuna odgovornost.

Osnivač Službe za zapošljavanje odgovoran je za obaveze Službe za zapošljavanje do visine osnivačkog uloga.

Član 22.

Stupanjem na snagu ove odluke prestaje da važi Odluka o osnivanju Javne ustanove "Zavod za zapošljavanje Kantona Sarajevo" ("Službene novine Kantona Sarajevo", broj 7/98).

Komisija za izbor i imenovanja i administrativna pitanja

Na osnovu člana 4. tačke 2. Zakona o ministarskim, vladinim i drugim imenovanjima Federacije BiH ("Službene novine Federacije BiH", broj 34/03) i člana 4. Uredbe o Uredu za pritužbe javnosti u Ministarstvu unutrašnjih poslova Kantona Sarajevo ("Službene novine Kantona Sarajevo", broj 13/05), Komisija za izbor i imenovanje i administrativna pitanja Skupštine Kantona Sarajevo, na sjednici održanoj dana 22.03.2012. godine, donijela je

Na osnovu člana 12. stav 1. tačka j), 13. stav 1. tačka e) i 18. stav 1. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 3. i 6. Zakona o ustanovama ("Službeni list Republike BiH", broj 6/92, 8/93 i 13/94) i člana 8. Zakona o postepovanju u zapošljavanju i socijalnoj sigurnosti nezaposlenih osoba ("Službene novine Federacije BiH", broj 55/00, 41/01, 22/05 i 9/08), Skupština Kantona Sarajevo, na sjednici održanoj dana 19.06.2012. godine, donijela je

ODLUKU

O DOPUNI ODLUKE O OSNIVANJU JAVNE USTANOVE "SLUŽBA ZA ZAPOSŁJAVANJE KANTONA SARAJEVO" SARAJEVO

Član 1.

U Odluci o osnivanju Javne ustanove "Služba za zapošljavanje Kantona Sarajevo" Sarajevo ("Službene novine Kantona Sarajevo", broj 11/12 - Prečišćeni tekst), iza člana 4. dodaje se novi član 4a, koji glasi:

"Član 4a.

Sfera djelatnosti Službe za zapošljavanje određena je prema Odluci o klasifikaciji djelatnosti Bosne i Hercegovine 2010 ("Službeni glasnik BiH", broj 47/10) i glasi:

- a) 78.1 Djelatnosti agencija za zapošljavanje,
- b) 78.2 Djelatnosti agencija za privremeno zapošljavanje".

Član 2.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-20594/12
19. juna 2012. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Na osnovu člana 18. stav 1. tačka h) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), člana 103. Zakona o zdravstvenom osiguranju ("Službene novine Federacije BiH", br. 30/97, 7/02 i 70/08) i člana 27. Zakona o ustanovama ("Službeni list RBiH", br. 6/92, 8/93 i 13/94), Skupština Kantona Sarajevo, na sjednici održanoj dana 19.06.2012. godine, donijela je

ODLUKU

O DAVANJU SAGLASNOSTI NA PROGRAM RADA ZAVODA ZDRAVSTVENOG OSIGURANJA KANTONA SARAJEVO ZA 2012. GODINU

I

Daje se saglasnost na Program rada Zavoda zdravstvenog osiguranja Kantona Sarajevo za 2012. godinu, koji je sastavni dio ove Odluke.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-20595/12
19. juna 2012. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

ODLUKU

O IZMJENI ODLUKE O OSNIVANJU KANTONALNE JAVNE USTANOVE "GERONTOLOŠKI CENTAR"

Član 1.
(Izmjena člana 11.)

U Odluci o osnivanju Kantonalne javne ustanove "Gerontološki centar" ("Službene novine Kantona Sarajevo", br. 27/06, 31/07 i 21/12), u članu 11. (Organ upravljanja i način imenovanja), stav (3) mijenja se i glasi:

"Upravni odbor se sastoji od 5 (pet) članova, od kojih se, po pravilu, 2 (dva) člana imenuju iz reda stručnih radnika zaposlenih u ustanovi, a 3 (tri) člana ispred Osnivača Ustanove".

Član 2.
(Stupanje na snagu)

Ova odluka stupa na snagu prvog narednog dana od dana objavljivanja u "Službenim novinama Kantona Sarajevo".

Broj 01-05-2460/13 30. januara 2013. godine Sarajevo	Predsjedavajuća Skupštine Kantona Sarajevo Prof. dr. Mirjana Malić , s. r.
--	---

Na osnovu čl. 12. stav 1. tačka j), 13. stav 1. tačka e) i 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), čl. 3. i 6. Zakona o ustanovama ("Službeni list RBiH", br. 6/92, 8/93 i 13/94) i čl. 71. i 98 a. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 16/02, 8/03, 2/06, 21/06, 17/10 i 26/12), Skupština Kantona Sarajevo je, na sjednici održanoj dana 30.01.2013. godine, donijela

ODLUKU

O IZMJENI ODLUKE O OSNIVANJU KANTONALNE JAVNE USTANOVE "DISCIPLINSKI CENTAR ZA MALOLJETNIKE"

Član 1.

U Odluci o osnivanju Kantonalne javne ustanove "Disciplinski centar za maloljetnike" ("Službene novine Kantona Sarajevo", br. 20/04, 31/07, 30/08 i 21/12), u članu 10. stav 3. mijenja se i glasi:

"Upravni odbor se sastoji od 5 (pet) članova, od kojih se, po pravilu, 2 (dva) člana imenuju iz reda stručnih radnika zaposlenih u ustanovi, a 3 (tri) člana ispred Osnivača Ustanove".

Član 2.

Ova odluka stupa na snagu prvog narednog dana od dana objavljivanja u "Službenim novinama Kantona Sarajevo".

Broj 01-05-2461/13 30. januara 2013. godine Sarajevo	Predsjedavajuća Skupštine Kantona Sarajevo Prof. dr. Mirjana Malić , s. r.
--	---

Na osnovu člana 12. stav 1. tačka j), 13. stav 1. tačka e) i 18. stav 1. tačka b) Ustava Kantona Sarajevo ("Službene novine Kantona Sarajevo", broj: 1/96, 2/96 - Ispravka, 3/96 - Ispravka, 16/97, 14/00, 4/01 i 28/04), člana 3. i 6. Zakona o ustanovama ("Službeni list RBiH", broj: 6/92, 8/93 i 13/94) i člana 8. Zakona o posredovanju u zapošljavanju i socijalnoj sigurnosti nezaposlenih osoba i "Službene novine Federacije Bosne i Hercegovine" broj: 55/00, 41/01, 22/05 i 9/08), Skupština Kantona Sarajevo je, na sjednici održanoj dana 30.01.2013. godine, donijela

ODLUKU

O IZMJENI ODLUKE O OSNIVANJU JAVNE USTANOVE "SLUŽBA ZA ZAPOSŁJAVANJE KANTONA SARAJEVO" SARAJEVO

Član 1.

U Odluci o osnivanju Javne ustanove "Služba za zapošljavanje Kantona Sarajevo" Sarajevo ("Službene novine Kantona Sarajevo", broj 11/12 - Prečišćeni tekst), u članu 11. st. 3. i 4. mijenjaju se i glase:

"Upravni odbor se sastoji od 5 (pet) članova, od kojih su predstavnici Osnivača 3 (tri) člana, 2 (dva) člana Upravnog odbora, po pravilu se imenuju iz reda stručnih radnika zaposlenih u Ustanovi".

Član 2.

Ova odluka stupa na snagu prvog narednog dana od dana objavljivanja u "Službenim novinama Kantona Sarajevo".

Broj 01-05-2462/13 30. januara 2013. godine Sarajevo	Predsjedavajuća Skupštine Kantona Sarajevo Prof. dr. Mirjana Malić , s. r.
--	---

Na osnovu čl. 12. stav 1. tačka j), 13. stav 1. tačka e) i 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), čl. 3. i 6. Zakona o ustanovama ("Službeni list RBiH", br. 6/92, 8/93 i 13/94) i čl. 71. i 87. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 16/02, 8/03, 2/06, 21/06, 17/10 i 26/12), Skupština Kantona Sarajevo je, na sjednici održanoj dana 30.01.2013. godine, donijela

ODLUKU

O IZMJENI ODLUKE O OSNIVANJU KANTONALNE JAVNE USTANOVE "DOM ZA SOCIJALNO ZDRAVSTVENO ZBRINJAVANJE OSOBA SA INVALIDITETOM I DRUGIH OSOBA"

Član 1.
(Izmjena člana 10.)

U Odluci o osnivanju Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba" ("Službene novine Kantona Sarajevo", br. 27/06, 31/07 i 21/12), u članu 10. (Organ upravljanja i način imenovanja), stav (3) mijenja se i glasi:

"Upravni odbor se sastoji od 5 (pet) članova, od kojih se, po pravilu, 2 (dva) člana imenuju iz reda stručnih radnika zaposlenih u ustanovi, a 3 (tri) člana ispred Osnivača Ustanove".

Član 2.
(Stupanje na snagu)

Ova odluka stupa na snagu prvog narednog dana od dana objavljivanja u "Službenim novinama Kantona Sarajevo".

Broj 01-05-2463/13 30. januara 2013. godine Sarajevo	Predsjedavajuća Skupštine Kantona Sarajevo Prof. dr. Mirjana Malić , s. r.
--	---

Na osnovu čl. 12. stav 1. tačka j), 13. stav 1. tačka e) i 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), čl. 3. i 6. Zakona o ustanovama ("Službeni list RBiH", br. 6/92, 8/93 i 13/94) i čl. 71. i 96. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 16/02, 8/03, 2/06, 21/06, 17/10 i 26/12), Skupština Kantona Sarajevo je, na sjednici održanoj dana 30.01.2013. godine, donijela